


MINISTERIO GUIÁ PA AMOR



Lès 9 pa Ougùstùs 29, 2026

“ Pasombra for di den
hopi aflikshon i angustia
di kurason mi a skirbi
boso, ku hopi
lágrimanan, no pa hasi
boso bira tristu, pero
pa boso por sa di e
amor ku mi tin asina
abundantemente pa
boso ”

(2 Korintionan 2:4, NKJV)






Segun ku nos ta investigá den e estudio di Pablo su di dos epistle(karta) na e Korintonan, nos ta opservá ku e apòstel ta masha interesá den e bienestar di e iglesia.

Ounke nunca tabata fasil pa sigui Dios Su kamindanan den e mundu aki yená ku piká, den e promé siglo deklarando bo mes un Kristian por involví difikultatnan serio.

Pablo ta prepará e Iglesia pa enfrentá e difikultatnan aki, tantu interno i eksterno, i ta siña nan pa forma un kurpa uní den amor generoso. For di e konseho aki awe nos por siña pa ta “ e aroma guiando na bida ” (2 Kor. 2:16).



Dios Su konsuelo den sufrimentu



Santidat i sinseridat den ministerio



Pa komportá ku sabiduria



Pordon i restorashon



E fragansia di Kristu

DIOS SU KONSUELO DEN SUFRIMENTU

" kende ta konsolá nos den tur nos tribulashon, pa asina nos lo por ta kapas pa konsolá esnan kende ta den kualke tròbel(problema), ku e konsuelo ku kual nos mes ta wòrdu konsolá dor di Dios ." (2 Korintionan 1:4)

Dos Korintionan ta e karta(epístel) den kual Pablo ta papia hopi ekstensivamente tokante konsuelo. E Iglesia tabata pasando dor un tempu difisil, i Pablo su karta anterior a hundi nan den un estado di tristesa.

Pero e tristesa ei tabata " santu," guiando na repentimentu (2 Kor. 7:10). Asina ei Pablo no kier pa e tristesa ei poderá di nan, pero mas bien ku nan wòrdu konsolá.



E mes a pasa dor di tempunan ora ku su propio bida tabata na rísiko i el a bira deskurashá (2 Kor. 1:8-10). Pero Dios a konsol'é, i awor é ta transmití e konsuelo ei na e iglesia (2 Kor. 1:6).

E konsuelo di Dios

E ta libra nos for di temor

E ta rekòrdá nos di e tempunan ku El a yuda nos

E ta yuda nos soportá aflikshon

E ta guia nos na madures spiritual

E ta enkurashá nos pa interседé pa otronan

Nos ta konsolá un i otro manera nos a wòrdu konsolá dor di Dios

SANTIDAT I SINSERIDAT DEN MINISTERIO

"Awor esaki ta nos orguyo: Nos konsenshi ta testifiká ku nos a komportá nos mes den e mundu, i speshalmente den nos relashonnan ku boso, ku integridat i sinseridat santu. Nos a hasi asina, no dependiendo riba sabiduria mundano pero riba Dios Su gracia " (2 Korintionan 1:12 NIV)


Algun hende a despresiá Pablo, akusando é di ta debil i indesiso (2 Kor. 10:10). Pa e motibu aki, i asina ku su konseho lo wòrdu risibí i aseptá, tabata nesesario pa e apòstel defendé su mes kontra di tal akusashonnan.

Komo un hende, el a konsiderá su mes insignifikante (Efe. 3:8). Pero, pa e gracia di Dios, é por gaba di tin un konsenshi kla (2 Kor. 1:12).



Pa e motibu aki, Pablo su skirbimentunan tabata liber di intenshonnan skondí. El a spera ku e kartanan aki lo wòrdu lesá i komprendé den e konteksto ei di santidat i sinseridat — esei ta, skirbí dor di amor pa nan i buskando solamente nan bienestar (2 Kor. 1:13-14).

E i su sosionan por bisa ku konfiansa ku su kondukta tabata santu i sinsero [puru], tantu den e iglesia i pafó di esaki.



PA KOMPORTÁ KU SABIDURIA

“ Mi ta yama Dios komo mi testigu — i mi a staka(pèncha) mi bida riba esaki — ku esaki tabata pa por spar boso ku mi no a bini bèk na Korinto ” (2 Korintionan 1:23)

Den su promé karta, Pablo a informá e Korintionan di e ruta ku el a plania pa tuma (1 Kor. 16:5-11):

Efeso

Masedonia

Korinto

Judea

Den un karta mas despues (perdí, 2 Kor. 7:8) el a informá nan ku é lo bishitá nan dos bia (2 Kor. 1:15-16):

Efeso

Korinto


Masedonia

Korinto

Judea

Sinembargo, el a kambia su plannan i a disidí pa no hasi e promé bishita ei (2 Kor. 1:23). E kambionan aki a guia algun pa kritik'é di ta instabil i basilando. Pakiko el a kambia su mente?

Pablo su presensia na Korinto tabata parse nesesario pa motibu di e problemanan einan. Pero e oposishon ku é lo kontra kune a impliká un konfrontashon ku é kier a evitá, pa motibu di e gran amor ku e tabatin pa nan (2 Kor. 2:1-4).



PORDON I RESTORASHON

“ Ken ku boso pordoná, ami tambe ta pordoná. Y loke mi a pordoná — si tabatin algu pa pordoná — mi a pordoná den e bista di Kristu pa boso motibu ” (2 Korintionan 2:10)

Mientras ku Pablo tabata riba su kaminda pa Troas, Tito a bai na Korinto. For di Troas, Pablo a bai na Masedonia. Pero é tabata grandemente ansha(aflihí) pasombra Tito no a top’é na Troas pa dun’é notisia tokante di e Iglesia na Korinto (2 Kor. 2:12-13).

Djis despues, Tito finlmente a topa Pablo na Masedonia. El a bis’é kon e iglesia a reakshoná masha faborabel na e apòstel su spiertamentunan (2 Kor. 7:5-9, 13-16).



Un di e asuntunan ku nan mester a resolvé tabata konserní disiplina di iglesia. Obedesiendo e apòstel, e partido ofensor a wòrdu reprendé, i nan a aseptá e represhon(skual). Awor, Pablo a pidi nan pa tuma e siguiente paso: pordon i restorashon (2 Kor. 2:5-11).

E FRAGANSIA DI KRISTU

" Pasombra nos ta pa Dios e holo dushi(fragansia) di Kristu meimei di esnan ku ta wòrdu salbá i meimei di esnan ku ta peresé " (2 Korintionan 2:15)



Komentando riba kon Dios " a habri un porta " pa e vangelio wòrdu prediká eksitosamente na Troas, Pablo ta rementá den un gritu di alabansa i viktoria: " Pero gracia sea na Dios, Kende semper ta guia nos manera katibunan den Kristu Su proseshon triunfal i ta huza nos pa plama e aroma di e konosementu di djE tur kaminda " (2 Kor. 2:14).

Manera un fragansia ku ta plama tur kaminda, e konosementu di Kristu ta alkansá tur alma. Pa e Korintionan, manera na nos, e fragansia aki ta di bida etèrno. Sinembargo, pa esnan kende ta rechasá e yamada, esaki ta un holo di morto. (2 Kor. 2:15-16).



Fihando riba e responsabilidat ku esaki ta enserá, Pablo ta splika ku e mensahe mester wòrdu duná sinseramente, sin buska ningun ganashi personal, sino e salbashon di e skuchadónan (2 Kor. 2:17).



“ E mensahero fiel aki a trese e notisia di alegria ku un kambio maraviyoso a tuma lugá entre e kreyentenan di Korinto. Hopi a aseptá e instrukshon kontené den Pablo su karta i a repentí di nan pikánan. Nan bida no tabata un reproche mas na Kristianismo, pero a ehersé un influensia poderoso na fabor di santidat práktiko. [...]

E repentimentu ei kual ta wòrdu produsí dor di e influensia di gracia divino riba e kurason lo guia na konfeshon i bandonamentu di piká. Tal tabata e frutanan kual e apòstel a deklará ku a wòrdu mirá den e bida di e kreyentenan di Korinto.